



31.august 2021

UKA2021/57

Inatsisartut Suleriaasianni § 36 malillugu apeqquteqaat aallaavigalugu oqallinnissamik imaattumik siunnersuuteqarpunga:

Ittoqqortoormiini Tasiilallu eqqaani qilalugartassat qernertat siunissami pisassiissuteqartarnissaq pillugu apeqquteqaat aallaavigalugu oqallisissiatut siunnersuut

(Inatsisartunut ilaasortaq Emanuel Nûko, Naleraq)

Kalaallit Nunaata kangiani Ittoqqortoormiini Tasiilami eqqaanilu, qilalukkanik qernertanik pisassiisarneq ukiuni tulluuttuni annikilligaluttuinnarnera assut piniartortatsinnut ernumalersitsivoq, taakkuuppummi ukiorpassuarni pisaminnik inuuniuteqartuusut piniarnerlu ilitsoqqussaralugu piniartuusut. Kalaallit Nunaata kangiani pissusitoqqat atorlugit piniariaatsit atornerqarput aammalu ningertitsisarneq sulii atuulluni.

Nunap inoqqaavisa ileqqorisimasaat Ittoqqortoormiini, Tasiilami eqqaanilu sulii atornerqarput, tamannalu pissuseq erlinnartoq tammariartornissaa assut ernumanartuulluni, ukiunimi amerlasoorpassuarni Tasiilami eqqaanilu tammatsaaliorlugu ingerlalluarsimasaat pisassallu annikilligaluttuinnarnerat pissutigalugit atorunnaariartornissaa eqqartorneqartalerluni piniartuusuni ilaqutariippassuarnilu ernumartutut isigineqalerluni.

Inuussutissarsiutigalugu piniarnermik allagartallit pitsaanerusunik atugassaqalernissaannut una siunnersuut saqqummiuppara, inuuniarnermikkut oqinnerusumik atugassaqaqqilernissaat eqqarsaatigalugu. Inooriaaseq ullutsinni akitsoraluttuinnarpoq inuussutissat akii qaffakkaluttuinnarlutik, ineqarneq akitsoraluttuinnarluni allarpasuillu inuuniarnermikkut atukkat akitsoraluttuinnarput, piniutillumi piniartullu nammineerluni atortussani akilertussaallugit.

Piniartortagut isertitassamikkut ilungersuuteqaqisut atugaat ilungersunarsiartuinnarput. Taakkuuppummi aamma Meeraqartut ilaqutariit pilersorniagassaat nerisassaqaqarnikkut atisassaqaqarnikkut akiligassanillumi ineqarnermut innaallagissamut kiassarnermullu allarpasuillu ilanngullugit akilersorneqartussaallutik. Illoqarfinni suliffissaaleqineq annertusinnaaqaq assersuutigalugu Tasiilami suliffissaaleqineq annertuvoq.

Piniartortaqarpugut ilaqutariit iluanni aappaasut nuliaasut suliffeqanngitsut amerlapput, taamaattumik piniartup kisimiilluni ilaqutariit inuuniarnerat akilersorniarsarisarpaat ilungersungaarluni.



Naleraq

Tasiilaq eqqaalu eqqaaginnassagaanni piniarnermik inuussutissarsiuteqartuulluni periarfissat annikitsuarannguupput. Tasiilap eqqaanilu Tuttunik umimmannik uumasooqanngilaq piniarneqarsinnaasunik, taamatullu inissisimaneq pissutsinik artornareersunik suli ilungersunarnerulersitsivoq qilalugagartassammi ikiligaluttuinnarput, tamannalu attanneqarsinnaanngilaq.

Taamatullu puisip neqaa tunisassiaanani soorunami puisit amiinik tunisisoqarsinnaasarpoq, ilaatigut aamma killeqarsinnaasartunik. Aalisarnikkut periarfissat aamma killeqartorujussuupput nunaqarfiit amerlanerpaat Tasiilami, nunaqarfiillu eqqaaniittut aalisakkanik tunisassiorfeqanngillat. Taamatullu aamma Ittoqqoortormiini tunisassiorfeqarnani, taamaatumik piniarnikkut inuussutissarsiorneq suli ulluinnarni inuuniarnermi ilaqutarippassuarnut pingaaaruteqartorujussuuvoq.

Qilalugartassat tunumi Naalakkersuisut pilersaarutaat malillugit ukiuni aggersuni ikiligaluttuinnartussaapput, tamannalu piniartukkormiut Tunumi piniarnikkut inuussutissarsiornerat eqqarsaatigalugu illersorneqarsinnaanngilaq.

Qilalugartassat siunnersuutigineqartut tunumi imatut isikkooqarput. Tasiilaq 2021 5-it taavalu 2022-2023-mut pisassaqaratik. Kangerlussuaq Tasiilaq 2021 10-it, 2022 15-it, 2023 10-it. Taavalu Ittoqqoortoormiit 2021 25-it, 2022 15-it, 2023 10-it. tassalu Tunumi inoqarfiit tamarmik tassani pineqarput.

Tassalu tunumi tamakkiisumik ataatsimut pisassiissutit tamarmik imatut Ittoqqoortoormiit Tasiilaq eqqaamiuilu ilanngullugit imatut amerlassuseqarput. 2021 40-it, 2022 30-it, 2023 20-it.

Piniartuuneq itsaaniilli kinaassuseraarput ilaqutariippassuarnillu suli inuussutissarsiutaalluni taamaattumik Naleqqami isumaqarpugut pisassaat amerlineqarnissaat saneqqunneqarsinnaanngitsaq.

Sammisamut partii allat isumaat tusarnissaat qilaanaaraarput.

Oqallilluarisi.